

# Maoiniú Státhiste Páirtithe Polaitíochta

2022

*Tuarascáil don Chean Comhairle de bhun alt 4(1) den Acht Toghcháin, 1997*



**Coimisiún um Chaighdeán in Oifigí Poiblí**  
**Standards in Public Office Commission**

**An Coimisiún um Chaighdeán in Oifigí Poiblí**  
**6 Ardán Phort an Iarla**  
**Baile Átha Cliath 2**  
**D02 W773**

**Teileafón: (01) 6395666**  
**R-Phost: [info@sipo.ie](mailto:info@sipo.ie)**  
**Suíomh Gréasáin: [www.sipo.ie](http://www.sipo.ie)**  
**Twitter: @SIPOCIreland**


**Nollaig 2023**

## Clár Ábhar

Réamhrá.....	2
Caibidil 1: Réamhrá .....	3
Caibidil 2: Na cuspóirí a chuirtear maoiniú Státchiste ar fáil .....	4
Caibidil 3: Ráitis Chaiteachais faoi Mhaoiniú Státchiste agus Tuarascálacha Iniúchóirí gaolmhara a sholáthar .....	5
Caibidil 4: Ráitis chaiteachais faoi mhaoiniú státchiste a fhoilsiú.....	7
Aguisín: Sonraí faoi mhaoiniú agus caiteachas .....	8

## Réamhrá

Tá áthas orm an tuarascáil seo a chur faoi bhráid an Chinn Comhairle de réir alt 4(1) den Acht Toghcháin 1997. Baineann an tuarascáil le ráitis bhliantúla chaiteachais mhaoiniú an Státchiste agus le tuarascálacha gaolmhara iniúchóirí reachtúla don bhliain 2022 a chuir páirtithe polaitíochta cáilithe faoi bhráid an Chomisiúin de bhun alt 20 den Acht.



Garrett Sheehan  
Cathaoirleach  
An Coimisiún um Chaighdeán in Oifigí Poiblí  
Nollaig 2023

## Caibidil 1: Réamhrá

Baineann an tuarascáil seo le ráitis chaiteachais an mhaoiniú Státchiste agus le tuarascálacha gaolmhara iniúchóirí reachtúla (dá dtagraítear i dteannta a chéile mar “na ráitis”), maidir leis an mbliain 2022, a chuir páirtithe polaitíochta cáilithe faoi bhráid an Choimisiúin um Chaighdeán in Oifigí Poiblí.

D’fhonn cáiliú le haghaidh maoiniú faoin Acht Toghcháin, 1997, arna leasú (an tAcht), ní foláir go bhfuil páirtí polaitíochta ar áireamh i gClár na bPáirtithe Polaitíochta agus go bhfuair sé 2% ar a laghad de na vótaí céadrogha san olltoghchán is déanaí don Dáil. Bunaithe ar na torthaí ar olltoghchán na Dála a cuireadh ar siúl an 8 Feabhra 2020, cháiligh seacht bpáirtí polaitíochta le haghaidh maoiniú Státchiste faoin Acht sa bhliain 2022: Fianna Fáil, Fine Gael, an Comhaontas Glas, Dlíthpháirtíocht – Pobal seachas Brabús, Sinn Féin, na Daonlathaithe Sóisialta agus Páirtí an Lucht Oibre.

Íoctar na suimeanna seo le gach páirtí polaitíochta cáilithe gach bliain:

- a) suim bhunráta €126,974, agus
- b) Sciar de shuim bhliantúil a socraíodh ag €3,809,214 sa bhliain 2001 agus a méadaíodh de réir méaduithe ginearálta pá sa státseirbhís.

Cinntear an sciar den chiste atá iníoctha le páirtí polaitíochta cáilithe ach na vótaí céadrogha a fuair an páirtí cáilithe a chur in iúl mar chéatadán d’iomlán na vótaí céadrogha a fuair na páirtithe polaitíochta cáilithe go léir.

B’ionann ciste 2022, suim an bhunráta san áireamh, agus €6,083,669.

Tá sonraí faoi na híocaíochtaí a rinneadh do na páirtithe polaitíochta cáilithe maidir leis an mbliain 2022 le feiceáil i dTábla 1 den Aguisín.

## Caibidil 2: Na cuspóirí a chuirtear maoiniú Státchiste ar fáil

Mar a fhoráiltear dó in alt 18 den Acht, ní mór cistí Státchiste arna bhfáil ag páirtithe cáilithe a úsáid mar a fhoráiltear dó leis an dlí. Foráiltear leis sin go bhféadfar an maoiniú a úsáid i dtaca le “bainistiú ginearálta ghnóthaí an pháirtí agus saothrú dleathach ceann ar bith dá chuid cuspóirí”. Gan dochar do ghinearáltacht na forála sin, sonraítear sa reachtaíocht go bhféadfar an maoiniú a úsáid do cheann ar bith nó do gach ceann de na nithe seo a leanas:

- riarachán ginearálta an pháirtí,
- taighde, oideachas agus oiliúint,
- ceapadh beartais,
- comhordú na ngníomhaíochtaí de chuid chraobhacha agus chomhaltaí an pháirtí,
- rannpháirtíocht na mban i ngníomhaíocht pholaitiúil a chur chun cinn, agus
- rannpháirtíocht na ndaoine óga i ngníomhaíocht pholaitiúil a chur chun cinn.

Ní féidir an maoiniú a fhaightear a chur chun feidhme nó a úsáid chun costais toghcháin nó reifrinn a íoc nó a fhorchúiteamh. Éilíonn an Coimisiún ar oifigigh iomchuí an pháirtí a shonrú cé acu ar úsáideadh nó nár úsáideadh an maoiniú chun críocha toghcháin nó reifrinn. Shonraigh gach duine den seachtar oifigeach iomchuí a sheol tuairisceáin ar aghaidh don bhliain 2022 nár úsáideadh an maoiniú chun na gcríoch sin.

Seachas na toirmisc ar úsáid an chistithe i dtaca le speansais toghcháin nó le speansais reifrinn, ní thugtar ach sonrú an-ghinearálta san Acht faoi conas a d'fhéadfaí maoiniú a úsáid. Luaigh an Coimisiún roimhe seo nach ndéantar aon tagairt san Acht do chaiteachas caipitil ná do chaiteachas reatha agus ní shonraítear ann cé acu an féidir nó nach féidir maoiniú a úsáid do chaiteachas caipitil nó reatha. Níl aon fhoráil dhlíthiúil ann ach oiread maidir le huainiú úsáid an chistithe agus maidir le cé acu ar cheart nó nár cheart é a thabhairt ar ais don Státchiste mura n-úsáidtear é. Tá an Coimisiún faoin tuairim go fóill go bhfuil gá le tuilleadh soiléire ina leith sin.

### Caibidil 3: Ráitis Chaiteachais faoi Mhaoiniú Státchiste agus Tuarascálacha Iniúcháirí gaolmhara a sholáthar

Ní mór d'oifigeach iomchuí gach páirtí cáilithe ráiteas a chur faoi bhráid an Choimisiúin á rá gur úsáideadh an maoiniú a fuarthas i leith na bliana tuairiscithe le haghaidh roinnt de na cuspóirí dá dtagraítear in alt 18, nó le haghaidh gach ceann díobh. Ní mór na nithe iarbhír ar úsáideadh an maoiniú ina leith a lua freisin sa ráiteas, lena n-áirítear na suimeanna a úsáideadh le haghaidh rannpháirtíocht na mban agus daoine óga i ngníomhaíocht pholaitiúil a chur chun cinn. Ní mór an ráiteas a bheith iniúchta ag iniúcháirí poiblí agus ní mór cóip de thuarascáil an iniúcháir a thabhairt don Choimisiún i dteannta an ráitis.

Léirítear i dTábla 2 den Aguisín an miondealú maidir leis an mbliain 2022 ar chaiteachas ag na páirtithe faoi na teidil a leagtar amach in alt 18 den Acht.

Ní dhéanfar aon íocaíocht le páirtí cáilithe tar éis an 30 Aibreán i mbliain ar bith seachas má dhéantar na nithe seo agus go dtí go ndéantar iad -

- (i) tugann an páirtí Ráiteas Caiteachais faoi Mhaoiniú Státchiste agus an Tuarascáil Iniúcháirí Reachtúla ghaolmhar agus Ráiteas Síntiúis agus Dearbhú Reachtúil (a cheanglaítear faoi alt 24(1)(b) den Acht) don Choimisiún, agus
- (ii) tugann an Coimisiún cóip de na ráitis seo don Aire Caiteachais Phoiblí, Seachadadh an Phlean Forbartha Náisiúnta agus Athchóirithe agus deimhníonn sé gur comhlíonadh iad de réir fhorálacha ábhartha na reachtaíochta agus na dtreoirlínte atá foilsithe ag an gCoimisiún.

Chuir an Coimisiún in iúl don Roinn Caiteachais Phoiblí, Seachadadh an Phlean Forbartha Náisiúnta agus Athchóirithe gur chuir gach ceann de na seacht bpáirtí cáilithe a ráitis chaiteachais faoin mhaoiniú Státchiste ar fáil mar aon le tuarascálacha iniúcháirí reachtúla don bhliain 2022.

Mar a tugadh faoi deara ina thuarascálacha do 2020 agus 2021 ar mhaoiniú státchiste do pháirtithe polaitíochta faoin Acht Toghcháin 1997, theip ar Renua na cáipéisí riachtanacha a sheoladh ar aghaidh don spriocdháta reachtúil. Níor sheol an páirtí a thuirisceán ar aghaidh go fóill don bhliain 2020 ag tráth an scríofa. Ós rud é nach páirtí cáilithe é Renua a thuilleadh, níl aon íocaíochtaí eile dlite dó. Dá réir sin, ní féidir gníomhú in aghaidh Renua mar gur theip air cloí lena oibleagáidí maidir le comhlíonadh déanach. .

Tá an Coimisiún faoin tuairim nár cheart glacadh leis an gcás seo. Nuair a fuair páirtí cistí poiblí agus má theipeann air caiteachas na gcistí siúd a chur i gcuntas, faoi mar a cheanglaítear san Acht, ba cheart go bhforálfaí san Acht do smachtbhanna. Molann an Coimisiún gur cheart go mbeadh teip ar thuairisceáin reachtúla chaiteachais cistí poiblí a sholáthar ina cion, faoi réir ionchúisimh, faoin alt seo den Acht agus faoin Acht um an Oireachtas (Oifigí Aireachta agus Parlaiminte) (Leasú), 2014 (ar a dtugtar an Liúntas Gníomhaíochtaí Parlaiminte).

## Caibidil 4: Ráitis chaiteachais faoi mhaoiniú státchiste a fhoilsiú

Tá cóip de na ráitis chaiteachais faoi mhaoiniú Státchiste mar aon le tuarascálacha reachtúla iniúchór, maidir leis an mbliain 2022, curtha ar fáil ag an gCoimisiún don Aire Caiteachais Phoiblí, Seachadadh an Phlean Forbartha Náisiúnta agus Athchóirithe. Tá sé deimhnithe ag an gCoimisiún don Aire go gcomhlíonann na ráitis sin na treoirlínte atá eisithe ag an gCoimisiún agus an tAcht.

Chuir an Coimisiún na ráitis a thug páirtithe polaitíochta cáilithe faoi bhráid dhá Theach an Oireachtais inniu. Tá na cáipéisí ar fáil ar láithreán gréasáin an Choimisiúin ag [www.sipo.ie](http://www.sipo.ie).

Tá na ráitis a cuireadh ar fáil don Choimisiún curtha ar fáil aige freisin chun gur féidir leis an bpobal iad a iniúchadh agus cóip a dhéanamh díobh ina n-oifigí ag 6 Ardán Phort an Iarta, Baile Átha Cliath 2, D02 W773.



## Aguisín: Sonraí faoi mhaoiniú agus caiteachas

**Tábla 1 Maoiniú a fuair páirtithe polaitíochta cáilithe in 2022\***

<b>Páirtithe Polaitíochta Cáilithe</b>	<b>Iarmhéid Deiridh 2021 €</b>	<b>Maoiniú a fuarthas do 2022 €</b>	<b>Caiteachas in 2022 €</b>	<b>Iarmhéid Deiridh 2022 €</b>
<b>Fianna Fáil</b>	783,606	1,488,545	1,261,204	1,010,947
<b>Fine Gael</b>	565,016	1,408,025	1,572,881	400,160
<b>An Comhaontas Glas</b>	6,311	564,900	571,211	-
<b>Dlúthpháirtíocht/Pobal roimh Bhrabús</b>	79,491	288,534	326,984	41,040
<b>Sinn Féin</b>	1,773,589	1,632,961	1,208,758	2,197,792
<b>Na Daonlathaithe Sóisialta</b>	255,482	305,157	272,362	288,277
<b>Páirtí an Lucht Oibre</b>	237,067	395,548	472,627	159,988
<b>Iomlán</b>	3,700,562	6,083,669	5,686,027	4,098,204

*\*D'fhéadfadh nach ionann na hiomláin de bharr slánú*

**Tábla 2 Caiteachas maoiniú Stáitchiste don bhliain 2022 arna nochtadh ag páirtithe polaitíochta\***

<b>Páirtithe Polaitíochta Cáilithe</b>	<b>Riarachán Ginearálta</b>	<b>Taighde, Oideachas agus Oiliúint</b>	<b>Ceapadh beartais</b>	<b>Craobhacha agus comhaltaí a chomhordú</b>	<b>Rannpháirtíocht ban</b>	<b>Rannpháirtíocht Óige</b>	<b>Iomlán</b>
	€	€	€	€	€	€	€
<b>Fianna Fáil</b>	973,951	52,022	30,000	88,861	84,329	32,041	<b>1,261,204</b>
<b>Fine Gael</b>	1,074,950	64,834	-	225,464	126,948	81,135	<b>1,572,881</b>
<b>An Comhaontas Glas</b>	407,041	13,365	-	141,285	4,800	4,720	<b>571,211</b>
<b>Dlúthpháirtíocht/Pobal roimh Bhrabús</b>	53,089	34,340	-	239,555	-	-	<b>326,984</b>
<b>Sinn Féin</b>	566,212	56,461	56,915	408,179	75,450	45,541	<b>1,208,758</b>
<b>Na Daonlathaithe Sóisialta</b>	202,663	-	58,054	11,216	-	429	<b>272,362</b>
<b>Páirtí an Lucht Oibre</b>	380,532	-	-	-	40,547	51,548	<b>472,627</b>
<b>Iomlán</b>	<b>3,658,438</b>	<b>221,022</b>	<b>144,969</b>	<b>1,114,560</b>	<b>331,624</b>	<b>215,414</b>	<b>5,686,027</b>

\* D'fhéadfadh nach ionann na hiomláin de bharr slánú.